

SCRIPT OF MORNING GOJRI NEWS BULLETIN 6JUNE 2025 1015HRS

مارننگ گو جری نیوز بلیٹن مورخہ 6 جون 2025

یوہ آکا شوانی جموں ہے محمد اکرم تیں خبر سُنو۔

PM JK VISIT

وزیراعظم نریندر مودی کترہ مانہہ 46 ہزار کروڑ روپیاں توں زیادہ گا کثیر ترقیاتی منصوبیاں گو سنگ بنیاد رکھن افتتاح کرن تے ان منصوبیاں نانہہ قوم غے ناں وقف کرن واسطے اج جموں کشمیر گو دورو کریں گا اس گا حصہ غا طورور وزیر اعظم نریندر مودی ادھمپور سرینگر بارہمولہ ریل رابطہ لنک منصوبہ نانہہ وی قوم غے ناں وقف کریں گا۔ واضع رہ جے 2 سو 72 کلو میٹر گو یوہ منصوبہ مکمل طور ور بجلی آلو حصو ہے۔ جس مانہہ 36 سرنگ تے 9 سو 34 پُل شامل ہیں چناب پُل دنیا گو سب تیں اُچو ریلوے پُل ہے۔ تے بھارت گو پہلو کیبل آنجی کھڈ ریل پُل گو حصو ہے تے اس گو وی افتتاح اج وزیر اعظم نریندر مودی کریں گا۔

LG KATRA VISIT

ادھمپور سرینگر بارہمولہ ریل لنک نانہہ جموں کشمیر یونین منسٹری واسطے ایک تاریکی قدم کرار دیتا واں لیفٹیننٹ گورنر منوج سنہا نے کہیو ہے کہ یو ٹی پہلاں توں مضبوط خوشحال ہے تے وزیر اعظم نریندر مودی گی قیادت مانہہ اس نے بے مثال ترقی دیکھی ہے جناب لیفٹیننٹ گورنر نے یاه گل جمعرات نانہہ کترہ مانہہ وزیر اعظم نریندر مودی گا اج گا طے شدہ عوامی میٹنگ توں پہلاں انتظامات گو معائنو کرتا واں کہی ہے لیفٹیننٹ گورنر نے تقریب نانہہ ہموار بنان نانہہ یقینی بنان واسطے کی گئی تیاریاں گو جائیزو لینا واں تمام محکماں گے درمیان سخت سکیورٹی حفاظتی اقدامات تے ہموار تال میل واسطے عہدے داراں نانہہ ہدایت کی ہے۔

DY CM WUSHU PLAYER

نائیب وزیر اعلیٰ سریندر چودھری نے گزشتہ روز ایک نوجوان تے ابھرتا واہ وشو چیمپین گیناکشی مہرہ نال ملاقات کی جس غا 26 تے 31 مئی 2025 گے درمیان منعقد قومی وشو مقابلہ مانہہ سونا گو تمغو حاصل کرگے جموں کشمیر گو ناں روشن کیو ہے قابل غور گل ہے کہ 10 سالہ گیناکشی پہلاں ہی گاندھی نگر گجرات مانہہ منعقد کھیلو انڈیا وومن لیگ نیشنل 2024 تے پنجاب گا ٹینٹارم مانہہ قومی وشو مقابلہ مانہہ سونہ گو تمگو حاصل کر چکی ہے نائیب وزیر اعلیٰ نے گیناکشی گی تعریف کی تیأں گا والدین نانہہ بچی غی شاندار کامیابی واسطے مبارک باد دتی۔

SPECIAL FEATURE

بھارت نے سیوا سوشاسن تے ریب کلیان گا اصولاں نال کارمزسا ایک دہائی قابل ذکر تبدیلی نال گزاری ہے اکاشوانی نیوز تھارے واسطے اہم شعباں مانہہ گزشتہ 11 سالوں مانہہ حکومت گی کوششاں ور حصول یا بیاں ور خصوصی نشریات لیاہو ہے جس مانہہ اج ہم ثقافتی ورثہ گا تحفظ ور توجہ مرکوز کریں جہیڑی بھارت گا تہزیبی ورثہ نانہہ زندہ رکھن مانہہ کلیدی رول ادا کرے پچھلی دہائیاں گیدوران حکومت نے بھارت گا حقیقی قوم سازاں گا احترام مانہہ اہم اقدامات کیا ہیں تانجے اس گل نانہہ یقینی بنایو جاسکے کہ ان غی وراثت نانہہ سیاسی

خطوط تیں بالاتر کرگے محفوظ رکھیو جے ازادی گا امرت مہوتو جسیبی مہماں نال قوم گی قربانیاں تے کامیابیاں گو جشن منایو جے۔ تے نال ہی ایک بھارت شریٹھ بھارت اقدامات گے تحت کاشی توی ایس سی سنگامن تے مہا کنبہ 2025 مانہ ریکارڈ تعداد عقیدت منداں نے شرکت کی ہے۔

OP SHIVA

فوج نے آپریشن شوا غ اناں تیں ایک جامع حفاظتی مہم شروع کی ہے تانجے 38 دنوں توڑی چلن آلی امرناتھ یاترا واسطے سخت حفاظتی انتظامات کیا جاسکیں جہیڑی 3 جولائی تیں شروع ہون آلی ہے یاہ سالانہ یاترا جہیڑی کہ نہایت مقدس روحانی سفر مانی جے ہر سال ہزاراں عقیدت منداں نانہ جموں کشمیر غا مقدس امرناتھ غار غی جانب کھینچ لے جہیڑی سمندری سطح تیں 3888 میٹر غی بلندی ور واقع ہے حالیہ حفاظتی خدشات جسراں کہ 22 اپریل نانہ پہلگام مانہ ہون آلو دہشتگرد حملہ نانہ مدنظر رکھتا وں فوج نے سی آر پی ایف جموں کشمیر پولیس تے شری امرناتھ جی شرائین بورڈ غے نال مل غے سخت حفاظتی اقدامات کیا ہیں تانجے یاتریاں غی حفاظت نانہ یقینی بنایو جاسکے۔

VIKSIT KRISHI

جموں زراعت غا ڈائریکٹر ڈاکٹر اے ایس رین نے ضلع سانہ غو دورو کیو تانجے وکست کرشی سنکپ ابھیان 2025 غے تحت جاری زرعی کماں غو جائیزو لیو جاسکے اس موقع ور گراں ڈیانا مانہ ایک برا پیمانہ ور سائنسدانان تے کسانان گی مشترکہ میٹنگ منعقد ہوئی جس مانہ بڑی تعداد مانہ کسان نوجوان تے دیہی خواتین نے شرکت کی ڈاکٹر اے ایس رین نے کسانان نانہ زرعی تنوع اختیار کرن غی ترغیب دتی تانجے اُن غی آمدنی مانہ اضافو ہوسکے۔

RAMBAN FOOD SAFETY

عید غا موقع ور ضلع انتظامیہ رام بن تے کووارک حفاظتی محکمہ رام بن نے مختلف علاقوں مانہ معائنہ مہم چلائی تانجے معیاری خوراک غی فراہمی نانہ یقینی بنایو جاسکے۔ اس دوران راشن غی دکان گوشت تے مرغی غی دکان دودھ فروش تے مٹھائی غی رُکاناں غو معائنو کیو گیو مہمغو مقصد زیادہ قیمت وصولی غیر معیاری تے گندی اشیاء غی فروخت نانہ روکنو ہے کئی دکاناں مانہ خلاف ورزی پائی گئی جن ور موقع ور ہی جرنامو لایو گیو۔
